

七錄齋詩文合集

七錄齋詩文合集標目

詩稿卷之二

和洪半石公祖惠泉詩

其二

其三

其四

過虞山周叔夜清遠樓賦贈

送何玄子權關歸里

送弟無近入長安對策

其二

贈宋澄嵐次許孟宏韻

送許仲嘉先生入朝

其二

送王康宇公祖督運入京

壽吳惕菴中翰六十

蕭閒堂春集紀事

其二

孟夏同孟樸與游孟宏訪扶九與游詩成

次韻

其二

登沈聖符葢香閣次與游韻

其二

其三

其四

張公整同望

柳塘夜泛

過孟樸清嘯齋

其二

其三

其四

同與游孟宏君偉放舟湖心扶九携尊小

酌遲維斗次孟宏韻

其二

同孟宏孟樸君偉來之登烟雨樓次韻

其二

曹茹真陳大君偕壽

又代友

又

同來之孟宏孟樸君偉龍淵晚眺次韻

其二

其三

讀藝香稿次前韻

其二

和首春雪朝靈水園中看梅

其二

其二

其三

其四

和贈新鶯

和人比黃花瘦

其二

和折桃

和立春

題畫菊

和采蘭

和泛月

宋九青賦鞦韆詩三十章索序答十章以

代弁言

其二

其三

其四

其五

其六

其七

七
其八

其九

其十

題畫梅

夜泊斜村再次雪兄韻

西湖夜對

斷橋月度

弔岳武穆祠

弔于忠肅公祠

題合畫梅菊

小蓬萊

放生池

弔蘇小小墓

弔小青

和弔小青

其二

其三

其四

夜登湖心亭返舟

登放鶴亭

湖上遇羅吳臯賦贈

擬別詩

其二

其三

其四

擬閨中讀漢書

其二

真別詩

其二

青山

晚上竹林橋

西墅早發

同孟樸孟宏君偉弄澗泉

藻溪停午

感繭絲

有所思

金華集 卷二
過下浮溪橋

讀新安郡志

其二

過蘆嶺

夜宿昌化

過老竹嶺

其二

其三

過鳳凰嶺

濯澗

冷水亭

齊武栢俱草堂

新安道中野望

惜行

其二

其三

惜舟

其二

其三

暑征

賦夢

讀宮關詩選次韻

謁葉夫子賦呈二章

其二

寄懷葉必泰

其二

新安遇朱白石

喜晤同社黃卜周

同朱白石縱論古今

夏日同朱白石黃卜周飲霞山樓上

和許孟宏山懷

和孟宏追別西湖

和孟宏追別南湖

送許孟宏草草入黃山

和孟宏黃山折花

喜孟宏黃山歸

次孟宏黃山道中

午日

次陸刺史玉井靈雨詠

其二

讀陸玉井白嶽十咏次韻賦答

別吳侍御南羅

別葉夫子次孟樸韻

其二

分賦小飛五章

其二

其三

其四

其五

夜泊梅口

和孟樸新安歸舟兼示黃卜周朱白石吳

于民

其二

寄懷馬君常

其二

寄懷楊伯祥

其二

寄吳來之

詠鹿城諸烈婦

詠鹿城方節婦

詠雲間孝子

詠楚州馮孝婦

又

咏甫墜董烈婦

擬唐人六贈詩十二首

花籃

其二

梳奩

其二

真墨

其二

銅鎖

其二

玉簪

其二

園茗

其二

咏董烈女

讀董烈女詩有感

哀薄少君兼感忱兒賦痛

和孟宏出黃山

褚太君

王太君

歸太君

過嚴先生釣臺

其二

桐江遇羅吳臯賦別

桐江夜晤吳臯并懷士業翊辰

富春道中次孟宏韻

其二

桐廬道中梅雨

其二

次孟樸富春道中

舟中苦雨

其二

禁雨

慰雨

道中阻雨

江雨懷受先

七錄齋詩稿卷二

婁東張 溥西銘著

和洪半石公祖惠泉詩

擲杖松邊欲變烟銷寒不盡任涓涓風來送友
忘清酒出亦成聲註太玄別調遙同秋水讀餘
香靜向白魚鱗斟成騷雅峰頭坐何必芳洲杜
若搴

其二

聽到清微水亦然石心日夜與雲連山川閒暇

兼千卷魚鳥從容第一天響落高崑侵薜閣谿
生小雨上花船疊來桐葉多蕭放香仞飛來月
欲濺

其三

相逢寂寂在花前叩出寒山詩百篇車馬隔牆
松影避烟霞拂谷水光圓壺中凍玉飛成雪閣
外流雲看作禪早去放衙登別岫茶園好破使
君錢

其四

暇豫資香人境偏幽寒一片是花邊莊周愚谷
無妨水陸羽茶經先試泉橘柚多年聽雨落桐
杉長夏待雲眠邀歸明月秋將漏冰骨空山護
碧荃

過虞山周叔夜清遠樓賦贈

野望青無窮微風不知響登樓思古人春來草
木廣淙淙聞泉鳴八牕靜羣想山高亦胡爲羽
儀寄栗椽閑得几席遊不費鞵一繭捫蘿石磴
空好鳥決塵塊紛峰勢疾奔忽然止牖上塔影

豈日中冥棲形亦往築室欲守琴月出助慨慷
晴雨或異時半壁起幽敞開閣煙物翮三徑花
自養延竚雲未遲壺公關方丈深林天地密賴
茲一洗蕩吾將攬紫雲結聲歸竹杖

送何玄子權關歸里

揮忽風烟一歲中關車嘒嘒斷飛鴻談家自昔
推前輩物力於今賦大東性本清饒河瘞壁書
成玄白酒消蟲逢人可說愁將稅微願猶堪格
地通

送弟無近入 長安對策

愁看直北意何如
春色銷殘野外車
久信壯遊才子事
獨憐各地故人書
朝廷待汝方開策
兄弟頻年好說余
從此拂樽知分淺
高秋賴得慰倚閭

其二

長安花木正光輝
怯對青山暮色飛
人自南來梅後訊
賦從天落鏡中薇
四方多事干旄勁
靜夜連牀風雨違
大手文章今日始
鴻征可似素

絃揮

贈宋澄嵐次許孟宏韻

千里人來月未出
兩三並首一燈花
書能催酒平生集
雲欲遲君石徑斜
念到國都皆我事
坐皆兄弟豈天涯
汝南試發陽秋句
學行同塗說大家

送許仲嘉先生入朝

朝聞旌命出城闌
簪筆於今說漢臣
花到春深添護使
雲隨客去臥關津
諸生學禮皆登座

天子談經好作賓一路烟光懷袖事同官慰藉
問清晨

其二

江南蚤發未風塵官柳開時大路遵欲訊天邊
懷壯日相逢闕下說生民文傳白海香能返心
繫青蒲事漸真車騎都門夾道看筍蔬不異舊
年人

送王康宇公祖督運入京

百里聲光四望同聞吹曉鷁入烟紅名登日月

言禾
卷二
王公宅夫賦資糧瓠子宮夙夜簡書催騎發
南民力鑿山通北征好慰羣鴻鴈鞠瘁臣心貫
白虹

壽吳惕菴中翰六十

玉箸生身拜帝宮
松心練潔水山通
著書不厭推司馬
烹藥何須問葛洪
養口精神多罨鵲
德門風氣半崆峒
詩人今更歌鱗角
萬畢篇中歲月同

蕭閒堂春集紀事

酒呼盡夜不知寒道義風來生羽翰半是吳中
憐舊雨豈從海內說高官星光照見三年近花
氣驚迴一別難相守菰蓬衣袖在清時未肯爲
名寬

其二

一家風物事堪存坐久庭深忘語言霜雪弗疑
惟我輩文章大抵屬中原懸知月落呼君出載
得情多厭禮繁羣酌高經脩典意詩人不易獨
乾坤

孟夏同孟樸與游孟宏訪扶九與游詩成

次韻

煖夜風開月下波
鰲行如水拂春蘿
香深翦句疑無敵
酒重聞聲喚奈何
次第綏山桃有客
珊殘蘭蕪墨成娥
今朝輸却湖光滿
且共黃冠學釣蓑

其二

勝友何如十五城
烟中簇樹盡聞鶯
連翩好夜文章集
靜坐無風山水鳴
閑說大堤花未半
擬

將入道月初生塵心不滅臙脂惜黃竹歌殘阿
紫荆

登沈聖符葢香閣次與游韻

山水無穿鑿馮高選勝宜開窓來白月灌木及
鷗鷗還往雲如客清和稻早旗從茲得花理何
必借君橙

其二

一徑借春發人來閣自然綠牀池上石花國橘
中仙飛酒難爲午留儂別有船秋期先叢桂切

切慎江邊

其三

狼籍看零露攀晴烟不收菱塘西子鏡越國采
蓮謳淺坐斟清暑乘風訪白鷗更驚林木響羅
襪一登舟

其四

自此疑幽盡支峰別作林名書宜石丈小閣賴
花陰有客魚爭出無山家更深主人成約久春
向綠橋尋

張公整同望

是處空濛不送春湖中平涉得清新萬邨風靜
舟嘗繫一磬聲傳魚未噀煙趁荻生迎返照人
披蓑去煮江蘋再尋高迥羣天近今日谿源豈
姓秦

柳塘夜泛

新月橫舟拂岸來萬家煙木向詩裁人當酒後
尋空歷聲入林中變迢迢枕籍不知白鶴過橈
呼正值野花開谿頭好聽孫登嘯叢徑漁罾掛

一杯

過孟樸清嘯齋

刻曲舟來不厭迂
雲山成族早相需
王人癖有書千卷
地勢平多木萬奴
寥濶問天皆勝友
清眞論道得高梧
蘆中連手閒蕭率
鱸得冰鱸出太湖

其二

浮山浮水盡枌榆
放酒船頭病走趨
深淺花中尋古道
清平月下慰寒菰
人當此夜眞難別
詩

滿來朝幸未逋再挈君還捫栢影子雲今始爲
前驅

其三

樹入遙中望綠迂鷺田遲客夜相需袿裳輕薄
逢山丈芹果疎香點酪奴春暗蛩來聽坐論酒
深月上索花逋今年此集苔岑滿欲別邨莊賦
兩湖

其四

社飲詩成送白榆傾城花雨盡山趨多年文事

將沈露名士邨居學種菰欲賦天台思瀑布懸
碑海外問蒼梧狂呼一葉搖星落未許烟霞子
獨驅

同與游孟宏君偉放舟湖心扶九携尊小
酌遲維斗次孟宏韻

雨色羣來壓樹低歸時容與舊桑谿朋心十夜
清魚鳥客傲三篇老阮嵇淡冶諸山邀作賦蒙
茸孟夏再分題漿人夜爲平原宿楊子溝頭水
未西

其二

高天問夜月盈坡蒼莽風舟載酒多水對蘆灣
春是屋樓生烟裏鶴能歌無花一夕將鶯露有
字千頭去換鶯遲足揮杯窮古意銅人當此更
摩娑

同孟宏孟樸君偉來之登烟雨樓次韻

水氣連空綠晴洲高處幽無山飛鳥靜有佛古
蘚浮平滿歸羣木蒼涼上一舟雲生感慨出此
日荻蘆遊

其二

烟澤恣憑閣高巖響帶淙澌流趨壑緩林月照
人雙魚出春深草鐘聲雨後聽問吳猶地接門
外卽三江

曹茹真陳太君偕壽

南山見南國春雲起松蘄朱象風大家吉人緩
瑟非維梅旨若何德充體先內註經漆字紘詩
書頌采采王弼欲守門徵文滿羣岱笙樂作房
中教讓靜劔鼐資以仁者言希有鳥食菜七月

雲漢多玉杵鳴鳩對大昌美後賢清閨互寮案
又代友

千川月下看雙坡引勝東南化國多好服梅來
開甲第新年鳳自選絃歌書成仁者花增曆道
在仙人籠放鷺共濯烟聲盤露落淡園清磬更
攀娑

又

鳳鈴吹徹玉山題花勝椰雲五字齊碧女彈璫
驚絳雪木公留筆變青霓椒升滿菊春秋美螽

羽傳詩劍那躡今日桂栢皆有寶廣成初醉洗
玻璃

同來之孟宏孟樸君偉龍淵晚眺次韻

莫言水國可無山隱約光華在樹間數點橫舟
乘月住千羣流瀑似鷗閒魚鳧隊裏看嬌舞蘆
荻聲中惜醉顏延得亂霞來席上稻秧初放藕
花灣

其二

日光倒影欲迷山幕密分雲入水間欲聽松聲

防鳥妬看闌春色可人間蕭蕭非雨餘空閣切
切新絲怯舊顏更泛綠陰高處望荳蔻草軟是
漁灣

其三

白成一片暗千山平地欺狂魚鳥間羣水合時
漁艇亂百花靜處寺門閒月中荇藻人歸夜樓
下笙歌酒上顏唱別不離高塔影摺來雲樹美
人灣

讀藝香稿次前韻

言禾
情深落句卽秋山驚感湖香半面間新擘烏闌
憐燭靜舊傳檀板咽雲間一聲河滿才人曲八
闋江南殿脚顏與子清新花外意錢塘不遠月
初灣

其二

再翦燈花話楚山麥殘鶯老別湖間薰香花下
衣裳薄弄月江邊姊妹間鸚鵡聰明將度曲守
宮脂粉不爲顏參差碧鳳收琴去蘇小墳頭水
一灣

和首春雪朝靈水園中看梅

清巖一葉爲誰開，滿壁浮花入夜來。
欲貯寒香恐驚別，孤山更上築高臺。

其二

是水無花恨蚤開，高人何處趁風來。
還知月樹愁搖落，綠葉堆中漢武臺。

其三

白放春前樹樹開，寒枝怯影月先來。
雙心早向池塘寂，蜂蝶無羣不上臺。

其四

畏說濃陰煖處開青山阻絕美人來
釵聲敲出天中碧靈隱巖阿是妾臺

和贈新鶯

蚤知學語試新飛野宿無人自整衣
惜別年年同此綠洲名鸚鵡待春稀

和人比黃花瘦

橫吹零折不禁霜水性蘭心總是傷
強起支持秋漸薄芰荷非復舊宮粧

其二

擬將顏色付蘭箋，不耐山高寒。一邊今夜梅花名，姓改香爐，雖煖怯人憐。

和折桃

今春花事惜濃開，判折何人破。此苔留得君歸，紅一半月明封，茜鳥飛來。

和立春

平樣春朝今日新，流花唐突豈無因。一羣鬪翠爭春好，夜夢陳思賦洛神。

題畫菊

秋天領氣得高涼，翦葉分花歲月長。
幽冷擇棲宮一畝，孤妍選物水千廂。
人歸雨後風偏勁，身坐霜中髮更蒼。
次第清癯爭入袖，衣冠古貌不嫌方。

和采蘭

閒雲近寫別年芳，沐浴驚開水一房。
但倩心情歸密約，莫憐膚髮任新粧。
峯洲百草先憂老，貼額輕魂更續香。
折帶繇人非薄命，春風滿路不

知傷

和泛月

水木連延入鏡華一天浮碧美人家
高歌團露千山曉輕折芙蓉半臂花
分去玉光留漢女携來斗酒出秋葭
平波如許人間放帆影收歸點點霞

宋九青賦鞦韆詩三十一章索序答十章以

代弁言

柘曲新翻百草爭衣裳春日最分明
君身料是

前生女妾夢如今只喚卿坐到更深聞月呪粧
成馬上惜花聲性情三十排宮調都尉當年愧
有名

其二

最憐春氣不勝爭別有幽彈畏月明金燼餘香
留惜惜玉痕壓臂任卿卿女牆短見榴花影高
閣無言棋子聲寫入清篁曲未半鳳凰雖小合
呼名

其三

舞鏡看來鳥亦爭，
傍羞攀折任聰明。
涼天瓜果頻分袖，
細雨梧桐再送卿。
是水倒流衣一摺，
有時飛去玉無聲。
山山不見屏中語，
鸚鵡驚呼妾小名。

其四

蹀躞溝頭金絡爭，
流蘇向煖隔窓明。
田田水葉中爲屋，
灼灼天桃不嫁卿。
燕子試飛秦女伴，
弟兄學律漢時聲。
從今悔點胭脂濕，
雨後薔薇舊日名。

其五

新年楊柳怯鶯爭，絡索風吹牆外明。
油壁不來空苑圍，裙釵自古薄公卿。
深心欲逐青山見，長歎微聞紅豆聲。
堤上回車零落影，杏花如雨不知名。

其六

欲闢春天咽路爭，花城入夜尚光明。
風騷大抵俱歸雅，蘇李原來盡字卿。
絮落金拖雲外響，香迴箏發夢中聲。
輦行不識青青畔，桃咒初聞崔

氏名

其七

烟下穿鶯若個爭提枰博得亂霞明閒拋玉釧
將驚鳥自整花枝更問卿小小春泥湔繡襪亭
亭一葉送秋聲遙心拂向珠簾坐木末芙蓉不
敢名

其八

鶴國笙游車鈿爭飛裾取次酒樓明昭陽殿裏
聽秋雨封禪書中別長卿方勝疊來南國字好

風吹落楚江聲
閑知姊妹憑欄夜
鈴急燒香喚月名

其九

翠樹倚山引水爭
石榴花亦識人明
羅裙逐隊知傾國
檀板催歌錯喚卿
繡得平原應夜夜
聽來團扇只聲聲
梅家有譜人難共
小印朱書附妾名

其十

自選芳妍到處爭
蠟花偏照水邊明
博山一炷

人如月好樹無枝妾共卿試築留風不肯立欲
敲江橘忽成聲年來空國啼羞靨酒亦驕君竹
葉名

題畫梅

靜樹同君立清心夜入鐘遙憐一枝意封與隔
谿松

夜泊斜村再次雪兄韻

閣筆停君夜變聲久長山水自今明浙江正是
門前路花底催人佛下盟

西湖夜對

不爲樓臺草色蒙
深心入夜惜
怱怱新蒲水面
靈均賦舊柳堤前
西子官人望翠微
猶隔岸春
聲落寞更聞蟲
無端避火驚星月
船在灘頭魚
未通

斷橋月渡

歷歷疎烟堤上封
閒來舟楫孰爲容
螢風細柳
流波緩草露清
歌氣力慵
近接空光鋪
半夜踏
歸花影入高峰
馮虛更洗青天
睽山鬼爭擎一

老松

弔岳武穆祠

萬古悲涼君未終至今野老哭江東尋常將相
誰爲死草率華夷不再雄鐵鑄狐狸羞石馬墳
如明月向西風將携熱酒澆燐白松栢聲來欲
射熊

弔于忠肅公祠

栢栢風巖對月明至今兩袖識書生青山魂魄
分夷夏白日鬚眉見太平一死錢塘潮尚怒孤

詩稿

卷二

十八

墳鄂清水同清莫言軟美人如土夜夜天河望
帝京

題合畫梅菊

疎密不共葉香心且一方若明花外意蕉萃念
姬姜

小蓬萊

曲曲雲開閉居亭竹萬竿小山彫琢淺高閣別
離難牆外通車馬花前問歲寒更穿石壁去冷

折竹春殘

放生池

淺橋資綠繞烟水各從容魚狎千年藻龜聽百
歲松講堂花禁早春雨磬聲封惻隱行吟者飛
蟲與候逢

弔蘇小小墓

不見人來綠盡封碧泥紅草卽君容蒼黃天際
疑舟絕寥落梅花伴夜慵繡領蟲絲同一穴愁
歌金縷只三峰玉檀匣裏飛清雪洛浦何年更
種松

弔小青

綠練鋪成怨啼螭
碧裳和土帶腥銅
夫人盛氣能飛雨
婢子微軀任落楓
三楚葉摧開繡匣
一湖鳧亂起秋風
平生不慣燈前淚
爲子孤心碎
百紅

和弔小青

青青此日立風前
鏡裏潮生落處憐
月出不知松柏暗
更移燈影照香蓮

其二

欲泛無家粧鏡前
深深彈竹倚生憐
夜來忽報風吹急
妬婦津頭莫采蓮

其三

縱橫湖水在門前
分入重闌日夜憐
薄命倚人偏恨早
清明風雨送紅蓮

其四

自咒香噴花面前
鄰機數向月中憐
人生一死非貪惜
獨恨西陵枉種蓮

夜登湖心亭大風逐舟

四月蕭寥秋夜同高懸風整信難通迷舟追雨
藏山角靜燭聞聲在水中暮氣萬千惟一綠波
光離合尚餘紅連宵楊柳樓頭臥片片青歸任
落鴻

登放鶴亭

指點香桐烟外封一枝清淨得秋容乘歸飛羽
看紅盡步落微風倚碧慵古寺花生流水曲孤
山雲隔美人峰深妍欲領亭亭意處士門前好
聽松

湖上遇羅吳臯賦贈

明月如君水上逢，秋心雖早惜花慵。
少微梅老猶吾友，西子春殘伴一筇。
夜色侵衣烟草合，故人入夢鳥魚容。
更傷酒半揮鴻疾，忠武墳前念阿儂。

擬別詩

聞去西湖水亦悲，綠陰歷歷問棲枝。
蒼茫愁在山頭見，離別心齊鳥雀知。
僮僕漸親慚孟夏，衣裳尚煖讀新詩。
碧闌香妥同潮汐，預報平安訂

後期

其二

不怨聞歌理舊盟
月中閒起坐三更
葳蕤鎖下王昌鏡
宛轉橋通蘇小名
一影分身雙鷓舉
同來獨聽落花聲
吳山越水高深並
容得流絲遶百城

其三

零雨初驅未是悲
多心草木且連枝
雲將化去山峰改
秋未來時閨閣知
花盡百篇宮女怨
玉

奩一部美人詩更籌點到珊瑚枕巫女屏風天
上期

其四

陌頭鶯語昔年盟淅淅風高又一更天上不齊
惟伉儷宮中近益妬才名書開萬屋佳人賦琴
碎千金文字聲夜夜相思湖海濶扁舟楓葉卽
江城

擬閨中讀漢書

倚夜清舟作客評攤書閒數漢人名一時司馬

無顏色當日班姬是弟兄看浴未歸金散盡尚
衣初進律先成不疑輦上辭秋草薄命千年骨
更輕

其二

情深不夜水能聽二百餘年再上亭姐已屏風
羞坐客長門香草惜飛螢兩心溝水頭疑白一
曲虞兮塚盡青別却昔人春自在讀詩誰采隰
中苓

真別詩

一日橫岐竟拂纓，秋心夏氣不能平。
烟雲割水愁無渡，車馬來時偏恨晴。
有路是山琴襍減，指花爲信晚江清。
帆歸難比桑乾近，惻惜難看草上蜻。

其二

不謂今朝卽異鄉，相將携手慎翱翔。
水驚別鷺深無尺，日照平沙又一方。
鄭重曉行防露早，丁寧獨睡避星光。
尋常旅食多消息，白玉還應念粃糠。

青山

遠遊日正午依山平渡清兩人隔花語一葉載
江聲晚市魚粳賤谿亭沙石明相呼泉浴罷篁
櫂又逢迎

晚上竹林橋

惜此高深意猶存蒼莽中水鳴不知壑烟聚始
生風窈窕人行遠徘徊閣向空星辰夜未落將
欲掛新桐

西墅早發

山行曉色正殘月尚侵街魚出門前水桑連竹
一厓迴谿扶綠下濕樹待青排往卽停車轍潺
潺孰與偕

同孟樸孟宏君偉弄澗泉

岸幘長林去逢溪清且巉樹多應有露澗小不
容帆浴手紅皆片濺衣綠一函幸無嘲熱客共
坐此流巖

藻溪停午

不知市鼓報禽衙草美蚕香近水家吳下豉鹽

言利
加一豆青泥片片雜陳瓜無題處士門前鳥幸
接平山屋角霞料得淪漣迂此日迴帆聊賴數
鶯花

感繭絲

縱橫不成理槿壁蚕滿家忍此釜中泣眩彼身
之華茅牆覆黃土蟲腹抽青霞但恐登帝屋棄
捐如泥沙

有所思

蝴蝶不飛處盤盤山似蝸文禽羞照水頰鯉憚

嶮花泥落春無幕湖深妾暫家風人麗以則豈
忍看丘麻

過下浮谿橋

閒津鳴切切扶竹接流霞莫唱公無渡爭看水
一涯瀾清柯葉倒魚細石紋遮似涉無深淺泉
耕農圃家

讀新安郡志

君欲徵禹貢吾方念永嘉土風繇漢魏理學卽
桑麻絕境山能合巖城夜不譁富吳文苑古作

言
賦未云遐

其二

蓋晉開疆域雄清斷澤窪徵兵皆土籍品貢賤
團茶四境春和日千巖窈窕花美名天地情鄣
郡昔秦家

過蘆嶺

羣天分竦峭墮石作高峰狹道孤雲逝危巖一
鳥容人行忽俯仰晚吹雜秋冬盤曲何窮盡車
聲更入松

夜宿昌化

羣石紛卷萬木中一天烟氣卽城東澗流細水
爲溝洫山下秧田半火攻青草無家如過客黃
昏迷雨拜巖宮不知湖上風光好分得殘枝夕
照空

過老竹嶺

肅懷登絕險敬慎託車牽衡進星爲棧甲趨鳥
入淵土皮得山厚人心與境全忽然見平坦羣
水獻清巔

其二

峻絕不可問，憑虛羣象牽。
連岡族草木，一境割天淵。
從此山中過，方知物外全。
徘徊念清迥，日落更趨巔。

其三

自山看上下，物物與雲牽。
渡坂疑追日，御風如涉澗。
澗邊人影瘦，石上月光全。
蕭瑟應無暑，淪澗且濯巔。

過鳳凰嶺

斗絕山形碧望同春歸應未渡高嵩飛雲雖斷
峰還拱鳴鳥時聞天亦通翠入四圍賚窈窕下
臨一殿助虛空蒼深滿目無人識流水鏘鏘在
此中

濯澗

沿綠清聞見無魚水石明不知衣履上卽是栢
松聲雲響高入坐秋心衆壑盈山陰懷未得歷
歷澗中行

冷水亭

野樹如車蓋亭名旨且寒人看山不厭水與物
相安棠落榴花代春歸四月難綆橋通客路小
鳥出波瀾

齊武栢俱草堂

齊武岳武穆集兵地

名花方一畝鑿地卽青巒泉得自然理魚多次
第安送春惟芍藥新雨夢邯鄲試問川原古英
雄惜水寒

新安道中野望

從此山漸遠廣深天蔚藍麥齊開稻種日北正

江南流水同春盡歸人采綠擔若逢蘭蕙信貽
得草堂慚

惜行

門前卽大路之子應未知行役薇或止秋期日
已虧君雖挾弓矢妾僅食粥糜但願巾車疾三
朝新結襦

其二

花開鶯去日石爛水清時不憚山川阻空勞風
雨隨車中呼小字桑下問柔荑一別無楊柳臨

流應賦詩

其三

絲穀新故代將毋忘屢屢河深日出杲秋至蟲
苦饑予季恤絡緯詩人刺茅鴟相思及壯盛莫
負稱男兒

惜舟

水動何蒼莽而今信不通宵征畏蟋蟀露火出
蒙戎微歎長天下閒心落日中流波无夜息隨
夢入江東

其二

水終不可絕三年種一椹日歸念勞者其雨悲
新知霍霍西流盡心心膏火疲薄言若逢怒敢
告日月私

其三

日出君勿顧妾心如長河東山非所慕蓬首不
能歌水至千里曲人難一日過盟津擊舟楫絺
綌猶綺羅

暑征

滔滔哀夏月行役何纖纖流水多辛苦逝車無
帷幃泥清或一斗道渴誰爲鹽不如繫馬首今
朝墨突黔

賦夢

分明題錦帶只恨酒難醒五字驚蝴蝶三更哭
小青人從山上立句向月中聽流水歸何處來
朝問畫屏

讀宮閨詩選次韻

長畫春絲繞鏡昏鳳名呼徹惜香存帖書字學

夫人體殿閣蟬歌武帝恩卷上粉痕憐指甲壺
中紅玉送花魂白頭宮女開元事再把芙蓉今
日論

謁 葉夫子賦呈二章

峻絕聞清嶽生平慰此朝尼庭容下士聖里出
圓橋自古身爲則斯民視不怵瞻趨雲漢接豈
獨念春遙

其二

天步賴圖度詩人戒詭隨願言侍終日永與關

莊達正直平神聽弘深總物宜鼓鐘山水答寤
寐義無虧

寄懷葉必泰

忽失前期自永潯叢山夏木愧清森今朝斟酌
葵蒲酒此日參差風雨心渡嶺無花空隔水携
文一匣勝彈琴遙年眇望窮河漢近在門庭車
下陰

其二

桑葉堆山魚鳥殷聞君歸去歎飛雲清當無暑

懷中石橫絕于今海外文好句百篇兼六義雄
名九有亦三分宮牆容得琴聲小閣下詩書盡
似芸

新安遇朱白石

夏月山中草木齊故人相對卽雲谿囊堪敵國
惟書在道似青松與古稽水墨不言資靜夜弓
琴無恙雜香泥他鄉且作平原飲桃李雖殘下
有蹊

喜晤同社黃卜周

江南風好亂鶯萋萋浩水平烟且靜携燕子磯頭
看月出鳳凰閣上待君題千錢買醉花曾識四
坐如雲山亦迷與汝盤桓敲句疾真人道義集
桑谿

同朱白石縱論古今

落葉如堆水滿畦破文狼籍飼蒼鷺人情大半
三年改古道難言五色迷論盡興亡慚許負看
殘楚漢哭虞兮縱橫却盡書生事簡點清心掃
疾藜

夏日同朱白石黃卜周飲霞山樓上

越鳥燕風今日齊
顏山留影樹偏低
春如太古惟仁者
昔有迷陽歎鳳兮
剝果數盤徵舊事
高樓一卷賀新題
寒暄不慣無妨醉
折竹清來月似圭

和許孟宏山懷

絕黛橫岡木石連
一枝寂寂學鷗眠
孤心雲外花城破
獨夜山中風信牽
麋鹿懶成難對客
茶經讀罷好聽泉
江南此際同清月
莫使零荷隔

水憐

和孟宏追別西湖

縈水香迴月似霜
閒尋羣綠隔烟茫
樓頭敗雪憑花雨
湖上聞鶯怯酒腸
半跌扶來春杏小
一聲愁絕北風涼
山行應接知無限
憶得鶻飛與夢長

和孟宏追別南湖

水號鴛鴦何處尋
無山送月入中林
舟如蝴蝶春常夢
人比蘆蓬秋有心
滿匣詩成憐紙薄
一

宵長歎爲花深湖光片片啣青去拂玉驚香桑
樹陰

送許孟宏草草入黃山

非我不能往青雲缺送迎躊躇出城意鄭重記
山名飛鳥心偏疾無花君獨清誰人歌此別前
路恐寒盟

和孟宏黃山折花

攀谿露早愁花覺闌入山圍飛鳥來百障春城
今日破三紅姓氏一枝催但期閣上同香濯莫

落風前變綠埃知子有心千里至小園鸚鵡不
須猜

喜孟宏黃山歸

聞說山歸草木驕傳呼烟月渡平橋黃冠論友
分花早青鳥啣書入水遙爲浴溫泉衣漸減怯
愁香閣夜難消多情蘿薜沾人翠試問巢公止
一瓢

次孟宏黃山道中

暑征力力緣高渡問綠何人止一笠滿徑棠梨

供鳥啄多年松石作雲層摩青有線峰頭月采
碧爲家山上僧憐汝井泉縋道去昌黎痛哭可
能徵

午日

夢賦江心波未圓初桐葉翦卜靈蓍錢塘鬪水
菖蒲酒香草懷人風雨天小閣靜偏宜辟蠹新
衣雖整不登船閒吟一卷空簪艾却惜蟲飛已
半年

次陸刺史玉井靈雨詠

五月旗田看雨梢龍來伐鼓更屠蛟東南稽事
甘宜水蘇白風流綠滿郊野老山中占曆早新
詩亭上帶雲敲祝籌爭喜葵心合問政峰頭鳳
可巢

其二

千畝清風葉葉舒泥人鶴立復何如當年似露
春曾咏此日成雲蒲亦書竹閣生涼疑望翠快
堂有客可憑虛壺冰一夜先秋濯載酒聽鷗念
永初

讀陸玉井白嶽十咏次韻賦答

濯髮陽阿望翠扶仙人峰近接香爐欲摹舊帖
尋千嶂賴讀新詩似一壺客裏雨烟知有伴夢
中花木未曾孤礙酬綠綺慚迷草落得空山猿
鳥呼

別吳侍御南羅

滿國高涼問水潯霜情入夏更清深蒼天知己
誰捫壁四海橫流好射禽毛髮漸斑封事日山
川惜別古人心多艱應賴同憂樂未易科頭看

樹陰

別葉夫子次孟樸韻

遙岑方愧負前期此別爭傳天下師蒲酒今年
節較短歸昌一曲鳥來儀人驚風雨山山失月
小江潯夜夜隨揮手墀盈頻顧影清心直渡子
陵碑

其二

分水鳴槳欲別難詩心達夜夢先寒春風已去
無梅信亂石空橫帶月看山盡作碑書盛事魚

將御玉報平安一時簪友傷千里此日殷憂總
百端

分賦小飛五章

不任環欹曉月颺深顰欲立訴河魴羊車天子
迷香汁翠羽宮人說媚娘自學梳頭常避鏡可
知蜂信別開房忽聞釧響簾中出亭北風搖睡
海棠

其二

晴明草上得烟無一葉翻風入畫圖香落衣衫

言和
卷二
三二
春作袖雲稱姊妹月爲姑驚絲楊柳空餘雪問
妾錢塘可姓蘇蛟蝶縱橫皆不賴翠顛娃閣下
榆蚨

其三

樓閣如何月未歸翦裳學舞待花圍瀟湘屏曲
聞青瑟雲海釵聲問玉妃一片砧來桐落并無
端秋渡鵲穿衣闌干夢遍爐心熱驚起雙鴛泣
露晞

其四

瑟咽流紅入聽無朱蘭拚折漢宮園桃根咏扇
遺高士青女啣書報雪姑偶病無花爲櫛沐多
愁賴汝似萱蘇波瀾試點猶搖玉卓氏爐頭不
換蛭

其五

淡得梅銷螺子無輕羅不障北風圖遠山墨落
西園史胡婢名成阮氏姑荷小顛浮承乳燕月
明唐突入流蘇隱侯瘦絕誰人見窓外吹來一
匣蛭

夜泊梅口

暮水得烟甚扁舟似草居聞風石上出近樹月
來初坐久波瀾濶山高鐘磬疎無魚寒莽宿雨
岸意何如

和孟樸新安歸舟兼示黃卜周朱白石吳
于民

懸崖清四合此日卽深秋灘石不可數水聲自
上流迴帆山面攻破岸月光留相送知何地城
高憶舊洲

其二

無風一葉放久聽自颼颼亂樹成巉壁清谿縱
箬舟人家傍水宿烟雨在山頭偶爾雲歸壑樵
蘇或出遊

寄懷馬君常

懷君不可說明月應自知溫飽非所志艱難幸
勿辭高秋慎風露正色修文詞報答千里意憂
樂無窮期

其二

余季甫入北丁寧事正人笑言視規矩動履念
鬼神長者師傳責天溼兄弟真寒溫等平素相
送直以身

寄懷楊伯祥

送弟及江滸涼風爲余深覩君仁義色免彼童
稚心鳥羽異南北人情無古今長河流不息曉
夜誰知音

其二

大路且折柳至誠無委蛇流連出門義三復生

民詩絕學久相勗先憂不敢私皇天念子汝當
俟河之湄

寄吳來之

紅葉從風溯遠隄春迴烟閣靜香提素心道路
難爲說好事雲屏待子題一諾久知千古重三
秋自此兩峰齊平章梅雪看君子賦有金聲報
紫霓

詠鹿城諸烈婦

少本儒家禮自防不虞邪服忽披猖貪夫如虎

金三窟薄命遊絲淚數行只恨賤貧低首拜更
傷離折在蕭牆玉山無水招魂魄驚落飛塵滿
屋梁

咏鹿城方節婦

食苦難言伐遠楊九原相送泣飛鶴兒多長大
俱無食衣止疏麻不覆床弔客蒼蠅非故舊夜
臺同老是糟糠後人若欲存真史項上縈痕記
紫囊

咏雲間孝子

孺子生平立母傍百年宣髮食新糗不知婚匹
成人事但識寒溫在北堂榆影相看真負戴綿
山偕隱愧翱翔盛朝仁壽歸耆士論孝誰爲兄
弟行

咏楚州馮孝婦

汜濫聞淮水高城一婦難呼天力已盡
鑿血刀苦酸靈藥青閨夢兒心白髮餐
悲歌今復續夜雨說秋蘭

又

此地驚霜草色丹蕭條流咽夜珊珊但祈日月
同姑老莫惜肌膚自我看一死久甘辭粉黛餘
生正可訓衣冠城頭烏鳥憐君意啣得泉魚代
進餐

咏甫里董烈婦

自憐夫婿不能豪誤識蘧蔭傷苦蒿身似飄風
捐櫛髮魂從飛雨讀離騷兔絲賒死無天道衣
帶親縫有佩刀試擊筑聲青草怨可知江近接
胥濤

五月五日後同孟樸君偉孟宏自新安歸舟
中刺論節婦事適得五人董死于姻諸死于
族詩人所謂豺虎也復有得厚利爲榮夷公
之請者崑之鄙夫一城賤之然諸婦冤雖不
直狂且水死足以徵天矣方之夫業儒以貧
死婦慟甚有兩兒已滿四五歲婦一夜起乳
之使睡復覆以衣自經閣上距夫死不十日
耳馮婦奇孝十七割股愈母病二十五姑疾
則剖肝療之云得神人語抑誠所召也雲間

孝子事最奇終身不娶養母極躑謂母老非
人不煖夜同起居今母年百歲孝子亦七十
矣五人事不同遇亦小異然皆根極天性稱
絕行合爲一卷各次以詩余不禁或泣或歌
也

擬唐人六贈詩十二首

花籃

一筐烟露爲春携可許流絲障綠泥料得醒時
將鬪草好人衣服也提提

其二

睡落紅酣鈿合宜竹心百節喚黃鸝人間驚說
同昌嫁一夜陪粧十八姨

梳奩

試掠新年不敢啼春歸薄練燕風低漆光照得
同心結此日蕭娘正及笄

其二

自是香橫雲未齊教人獨立鏡中迷分明貼額
沾春早十樣螺光一樣題

眞墨

難燭呼來立畫屏
遠山名字鳥能聽
還愁薄命難禁
雨與汝輕烟寫佛經

其二

閨中切莫學黃庭
留却詩心半夜青
松性有煤應早嫁
薛濤箋上看娉婷

銅鎖

曲曲隄防君自知
玉牀流帳妥葳蕤
瀟湘六幅經年疊
開取薰香問侍兒

其二

莫謂春寒不放眉多心百折未差池五銖一串
今堪鑄壓手還應掛玉麒

玉簪

怯夢新詩借一枝開奩羅子落醪醪古釵有曲
君休唱小玉家聲不受欺

其二

鬢髮看來束霧隨貞心溫節慎携持懸知五月
薰衣蠹艾虎猙獰不敢遺

園茗

新雨山中試采青
女冠閒坐註茶經
蚤憐病渴心如石
再上西泠泉有亭

其二

麻飯流來木別開
酪奴解事代新醅
君心若念桃花日
應記求漿人姓崔

咏董列女

贏得傾城悞此軀
讀書今且學提壺
輕看末世皆女子
獨恨能詩不丈夫
堂上嚴姑鞭小婢
溪

間飛燕別新雛從來達命佳人事珠碎原田草
亦枯

讀董列女詩有感

敗紙殘煤字有無新篇一句泣呱呱田家不識
真娘墓蠶死如啣織錦圖蚤夢雨來埋碧玉夜
聞鬼哭喚羅敷傷心豈獨篴篥引片片蕪青聽
螿蛄

哀薄少君兼感忱兒賦痛

百律鶻紅燭已灰貞心夜夜變風雷靈歸何處

看兒死詩到于今似古哀此日碧鏤知斷絕十
年繡襦幸招來橫悲祇逐東流水梁孟墳邊思
子臺

和孟宏出黃山

登崖未半疑山盡牽草驕人作客身綠補衲衣
當夢月瓠如木葉亦擔春鹿猿野坐應思定魚
磬呼君或有因且賦歸來徵鳥語翠冠飛去說
先秦

許氏三節褚太君者孟宏孝廉嗣母也王太

君歸太君則諸母也褚年二十一王年二十三歸年二十九皆獨居今則褚年七十九而歿王年六十九歸年六十一矣三母皆舉子有司表臣式廬將次第棹楔爲詩紀之

褚太君

清風自昔誦先民近服儀刑在縞巾散髮已辭同女伴寒烟尚有未亡人唄經到老如禪士太古爲年仍獨春惇史可徵矜式遠若昭兄弟讓貞珉

王太君

一家霜雪肅清晨靜夜砧聲念苦辛紅縷不牽
辭母氏練裳終古服先民經秋蓬首心無繫捶
箸如琴性食貧間誦帝青供日月貞人寄託孰
爲鄰

歸太君

自是風嚴禮法遵同心一室更清真共姜不死
存宗廟高行懷兒泣鬼神孝本傳家生產薄姑
惟恃我水漿親德門規矩誰堪媿昆季當今第

五倫

過嚴先生釣臺

依然西漢水肅手拜先民一飯皆天子山頭屬
故人浙江今日有文叔布衣新非我披裘傲絲
竿不肯臣

其二

豈乏興王志山川事較真敢將嚴子意還問郭
夫人遠近長安日清狂富水濱驚心悼徃者高
祖薄功臣

桐江遇羅吳臯賦別

遙水遲遲今又逢一絲烟雨夜相從酒呼狂客
觥無度蘆葉蒙舟月幾重看鳥飛來啣碧草隨
君歸去話青松桐江爭似西江好湖上鶯歌柳
尚濃

桐江夜晤吳臯并懷士業翊辰

今年花發溯飛蓬幸共歸帆一借風論友差看
陶永夕著書豈獨在愁窮人期終古苔琴遠家
近匡廬面目同分路還疑烟色改水流長自識

西東

富春道中次孟宏韻

看山水上卽平郊
帆點霞橫在樹梢
樵唱不來巖下夢
清風如對故人交
泉吞細石分千響
客坐高樓止一巢
買得織魚綸未脫
先生今日忍相嘲

其二

高山長水是灘頭
識得君心家可浮
無字石碑皆好句
千年風雨一羊裘
若知漢國三分日
預

惜江東兩大謀碌碌衣冠臺上冷朝來榮槿看
蟬蛸

桐廬道中梅雨

時節雖禁雨飛凍驚小舸望中失岼樹客裏夢
波濤花信愁風後歸心與水高青篁搖曳甚傍
石問江臯

其二

急鳴似水落入望始滔滔烟渡垂山信春衣畏
雨毛秧齊滿簑釣蟲苦沒蓬蒿靜葉無人惜枯

棹何孔勞

次孟樸富春道中

盪石惟空在一亭清未分大江同此路近水別
爲雲地僻多秋節波寒失鳥羣飛心流葉激遙
閣應先聞

舟中苦雨

風雨江舟似閉門兩山隔渡失前村扣舷高夢
憑浮葉激水寒歌賴一罇花不及時潮信改魚
應憐我客黃昏雖知天氣無勞怨梅落年年妬

滿園

其二

早知樵悴在平灘恨不憑高借一竿節候欺人
偏道路潮頭無信到闌干但傷此夕聞花歎始
識今朝爲雨難宿莽鳥多愁日暮波聲漸欲逼
衣寒

禁雨

參星昨夜照江沱紅落於今奈雨何不敢問天
憑客對但知月出爲君歌滴殘梅子存菴杏濕

盡珊瑚怨綺羅早謝朱絲迴鶴嘆滄波滿日望
中多

慰雨

晴久泥香雨亦應忽添江勢似憑陵風絲飄落
成苔片螢濕驚飛借客燈每望高峰雲在上却
憐蕪草夢相憎年光一半篔中去試挂新鈎照
翠鬢

道中阻雨喜遇翁子長

憑此空茫夜懷人恨未曾連舟同載雨無酒得

高朋水與君相習山愁月不升故鄉歸信早贈
汝舊時簷

江雨懷受先

別君幾兩月草草待江潯
新雨知無恙他鄉共
一心讀書防驟暑
話汝在高岑却寄還
愁促今宵恐沒參

七錄齋詩稿卷二

終